

پنجابی کلامِ دررنگِ ابیاتِ حضرت سلطان باہرؒ

بِسْمِ اللّٰهِ الرَّحْمٰنِ الرَّحِیْمِ

پنجابی کلام

دررنگِ ابیاتِ حضرت سلطان باہرؒ

از

پیر سید نصیر الدین نصیر گیلانی رحمۃ اللہ علیہ

بایما

پیر سید غلام نظام الدین جامی گیلانی قادری

سجادہ نشین دربار عالیہ غوثیہ مہریہ گولڑہ شریف

(گولڑہ شریف)

مہریہ نصیریہ پبلشرز گولڑہ شریف، E-11 اسلام آباد (پاکستان)

تمام پڑھنے والوں سے عاجزانہ درخواست
ہے کہ میرے بچوں کی صحت اور تندرستی
کیلئے دعا فرمائیے۔ اللہ تعالیٰ آپ سب کو
ہر مصیبت اور پریشانی سے نجات عطا
فرمائے۔ آمین

نیاز مند۔ فاروق حسین گولڑوی

پنجابی کلام در رنگِ ایاتِ حضرت سلطان باهو

بِسْمِ اللّٰهِ الرَّحْمٰنِ الرَّحِیْمِ

پنجابی کلام

در رنگِ ایاتِ حضرت سلطان باهو

از

پیر سید نصیر الدین نصیر گیلانی رحمۃ اللہ علیہ

بایما

پیر سید غلام نظام الدین جامی گیلانی قادری

سجادہ نشین دربار عالیہ غوثیہ مہریہ گولڑہ شریف

www.faz-e-nisbat.weebly.com

مہریہ نصیریہ پبلشرز گولڑہ شریف، E-11 اسلام آباد (پاکستان)

جملہ حقوق بحق مصنف محفوظ ہیں

نام کتابچہ	:	پنجابی کلام در رنگِ ایاتِ سلطان باهو
مصنف	:	پیر سید نصیر الدین نصیر گیلانی رحمۃ اللہ علیہ
اشاعت	:	بار دوم
کمپوزنگ و ڈیزائننگ	:	افتخار احمد (گولڑہ شریف)
سرورق	:	محمد دانش نجم
ناشر	:	مہر یہ نصیر یہ پبلشرز گولڑہ شریف
نگرانی طباعت	:	حاجی عبدالقیوم گولڑوی
مطبع	:	حمزہ پرویز پرنٹرز (051-5521575)
تعداد	:	2000
سن طباعت	:	رمضان 1432ھ بمطابق اگست 2011ء

ملنے کا پتہ

طلوع مہر آڈیو ویڈیو لائبریری مکتبہ مہر یہ نصیر یہ درگاہِ غوثیہ مہر یہ گولڑہ شریف

سیکٹر E-11 گولڑہ شریف اسلام آباد (051-2106464)

التجادرگاہِ قاضی الحاجات

رب سچیا تینوں دم دم سوراں کردے دُور بلائیں ھو
میں کمینہ عیاں بھریا در توں نہ ٹھکرائیں ھو
کھولیں بُوہا رحمت والا، خیر جنابوں پائیں ھو
رورو عرض نصیر گزارے بیڑا بنے لائیں ھو



توحید

وحدت دا دریا جلالی ہر کوئی جس تھیں ڈریا ھو
سک بھرنے دی ہر دل وچ پرورلیاں بھانڈا بھریا ھو
جس وی غوطہ اِس وچ لایا اوہ نصیر نہ مریا ھو
اِس دریا دیاں پٹھیاں چالاں جو ڈبیا سوتریا ھو

رحمت کے فیصلے

رب دی مثل نہ کوئی داتا جو دیوے بے منگے ہو
دخل نصیر نہ دیون دیوے جس نون جس رنگ رنگے ہو
جے پچھ بہوے عملاں تائیں کمبئن چنگے چنگے ہو
جے اوہ آجاوے فضلاں تے گج دیوے لکھ ننگے ہو



دینے والا اللہ ہے

میں لیون توں دیون والا منگاں جھولیاں اڈ کے ہو
آ بیٹھا میں در تیرے تے دل توں غیر نوں کڈ کے ہو
کتھے نصیر پیارے دامن بوہا تیرا چھڈ کے ہو
در تیرے دے مانگت رہا اُس دے سارے وڈ کے ہو

معاملات کا فیصلہ اللہ کے ہاتھ ہے

توحید

وحدت دریا ٹھاٹھاں مارے چنگے چنگے جتوں یر کے ھو
اٹھن موجاں جیویں فوجاں پیر نہ پیندا ڈر کے ھو
سوہنی جیہا نصیر نہ عاشق مکھ تکیا جس مر کے ھو
کئی ڈب کے جاگے کنارے نہیں اپڑے کئی تر کے ھو



رحمت کا بلاوا

میرا رازق غنی جہانوں میں بُت حرص ہوں دا ھو
وازاں مارے دیون تائیں میں ہر بُو ہے نس دا ھو
جے اوہ فضل دامینہہ وساوے رُوڑیاں تے جاوس دا ھو
اُس دے باجھ نصیر نہ کوئی میں عاجز بے کس دا ھو

التجا بحضورِ سید الوری صلی اللہ علیہ وسلم

ہک دن میں پیادل وچ روواں، ہتھوں بجرم خطا میں ھو
 آکھاں کھلی والیا سانیاں عرضی نہ ٹھکرا میں ھو
 میں ڈبیا دریا گناہاں پیراں توں سر تا میں ھو
 بخشش جوگا مول نہ رہیا حدوں ودھ خطا میں ھو
 ساہواں دے ملکز تھیں پہلاں آدیدار کرا میں ھو
 پہلی رات قبر وچ میری مکھ دا نور وسا میں ھو
 کوثر پیالا پاکاں والا مینوں گھٹ پلا میں ھو
 جد اعمال ترکڑی تلسن جھات کرم دی پائیں ھو
 میں ڈرساں مرے کول کھلوویں چھڈ کے ڈور نہ جائیں ھو
 عمل کچے پیڈے لے ڈگدی نوں گل لائیں ھو
 رحمت والا ہتھ لیاں پل صراط ٹپائیں ھو
 حضرت بولے عاصی بندیا روگ نہ دل نوں لائیں ھو

ہتھ میرا تری کنڈتے رہسی حشر دھاڑے تائیں ہو
ہو سکی تے سال دا پھیرا شہر مدینے پائیں ہو
بُوہا میرا نہ چھوڑیں، مرے بوہے تے آئیں جائیں ہو
پلسن ہوٹھ شفاعت میرے تھیں رد بلائیں ہو
توں کیوں روویں توں کیوں چکیں میں ہاں تیرے تائیں ہو
میں جانڑاں مرا مالک جانڑیں اینویں نہ گھبرائیں ہو
ہنڑ کی خوف نصیر مینوں میرا جیوے سر دا سائیں ہو



التجا بحضورِ رسولِ مجتبیٰ ﷺ

آ وڑیا ترے شہر مدینے اک غمگین سوالی ہو
 کملی والیا لُج پالا کریں نال اُسدے لُج پالی ہو
 رو رو عرض گزارے شاہا پکڑ سُنہری جالی ہو
 ایہہ مانگت نہیں نلن والا کاسے پا خوش حالی ہو
 واسطہ پاوے زہرا دا کریں لگیاں دی رکھوالی ہو
 حسن حسین دا سر صدقہ اُج بھر دے بھانڈا خالی ہو
 فقر ابوذر والا بخشیں، دیویں سوز بلالی ہو
 تیری شان خدایوں اُچی، تیرا حُسن مثالی ہو
 سر تے تاج شفاعت والا، موہڈے کملی کالی ہو
 کیوں نصیر نہ میں کھٹکانواں اُس دا بابِ عالی ہو
 جس نوں سب توفیقاں رتوں، جو اُمت دا والی ہو
 جھولیاں بھر بھر لوکی جان دے میں کیوں جانواں خالی ہو

بخسورِ شہیدِ کربلا

دس محرم چڑھیا سورج دیندا سیک فنا دا ھو
 کی دساں میں حال نصیر اُس کربل دے آقا دا ھو
 پھپ گئے دکھ توں چن تے تارے بدلیارنگ فضا دا ھو
 خاک تے ڈگیا گھوڑے اُتوں جس دم چن زہرا دا ھو



حسینؑ ابنِ علیؑ کے حضور

خطیبِ منبر سے خطاب

توں وی نت منبر تے بہویں چھیڑ جہاد کہاڑیں ھو
 نہ کوئی گل تے ایویں پھیریں پانڑیاں وچ مدھانڑیں ھو
 علیؑ دے لال دی ریاں نہ کر، گل کر کوئی سیاڑیں ھو
 جے شبیرؑ جیہا کوئی تہی شکل تکاون آنڑیں ھو
 میں قربان نصیر اُس توں جیہدی زینبؑ قدر پچھانڑیں ھو
 سینچیا جس اسلام دا بوٹا دے کے خون دا پانڑیں ھو

در مدح پیران پیر

حضرت سید عبدالقادر جیلانیؒ

غوث پاکؒ توحید دا سورج چمکیا گل جہانے ھو
 مکی رات تے مچیاں دُھماں وچ زمین اسمانے ھو
 اکھ والا کوئی دیکھے اِس نوں نابینا کی جانے ھو
 مُونہوں ناں مترو والے وی من گئے اندر خانے ھو
 لکھیا حسب نسب وچ اچّا ہر لکھیار سیانے ھو
 لال علیؒ دا چن زھراؒ دا جمیا پاک گھرانے ھو
 شکل شبابت حسنؒ حسینؒ تک تک لوک دوانے ھو
 سیرت دے وچ جھلک رسولی بولے حق زبّانے ھو
 وچ بغداد وسیرے کیتے ونڈے علم خزانے ھو
 وصل دے کاسے بھرنے تائیں کھول دتے میخانے ھو
 لا الہ الا اللہ دے جد چلے پیمانے ھو

چھڈ گئے ہوش غزالیاں ور گے ، بھل گئے نفل دو گانے ھو
تائب ہوئے شرک دے پاپی لگی عقل ٹھکانے ھو
کر کر صفت نہ اج تک رہتے اپنے تے بیگانے ھو
وعظ فتوح الغیب دے پڑھ کے نیا پیر ، زمانے ھو
سودا اوہ نصیر اس دا جیہڑا وکے نہ کسی دکانے ھو



شانِ حضرت پیرانِ پیرؒ

اوہ پیراں دا پیر جہدا سر مشرکاں سوٹا کھڑ کے ھو
بہتیاں اکھیاں وچ اوہ وسدا کجھ اکھیاں وچ اڑ کے ھو
گھٹیا رتبہ نصیر نہ اُس دا سے مر گئے سڑ سڑ کے ھو
عبدالقادر پیر مرا جیہڑا تار دیوے ہتھ پھڑ کے ھو



در مدحِ پیرانِ پیرؒ

نہ بلیار تے نہ میں فاضل گوئی آتے گللی ھو
غوث پاک دے میں صدقے جہدے ٹکڑے کھا کھاپی ھو
اس لئی میں کوچھی بدشکلی سوہنڑیاں دے سنگ رتی ھو
کل نصیر متاں ہو جاوے اگلی راہ سکھتی ھو

در شانِ پیرانِ پیرؒ

ہک بڈ ہڑی بغداد نگر وچ روندی بیٹھ کنارے ھو
 تڑنے تے فریاداں پاوے ہتھ مٹیاں تے مارے ھو
 ڈب گیا میرا سہریاں والا نال براتی سارے ھو
 دجلہ دریا ٹھاٹھاں مارے کردی موت اشارے ھو
 اچن چیتی میراں آئے کردے سیر نظارے ھو
 بڈھی وچ قدماں دے ڈگ کے رووے تے عرض گزارے ھو
 کون ہووے جیہڑا موڑے میرے ڈبے چن تے تارے ھو
 پیر ہووے تے میراں جیہڑا جیہڑا لاوے نہ جھوٹھے لارے ھو
 عبدالقادر ہتھ اٹھائے اگے رب پیارے ھو
 ڈبی کشتی رب دے فضلوں لگی آن کنارے ھو
 واہ نصیر پتر زہرا جس ڈبے بیڑے تارے ھو



آج کی یاری

یاراں دی گل چھیڑ نہ یارا اج دے یار لُٹیرے ھو
اڈن توں پر تو لدے رہندے پنچھی جیوں بنیرے ھو
جے لہتے تے پچھے پچھے نہ لہتے تے اگیرے ھو
جانی یار نصیر نہ ملدے نانی یار بتیرے ھو



سُچے یار

جگ جگ جیوں یار سُچیرے ویکھاں سدا اُچیرے ھو
وسن گلیاں، کھلن بو ہے، کدی نہ مگن پھیرے ھو
رونق میلے، گلاں باتاں، درشن شام سویرے ھو
یاراں نال نصیر بہاراں یاراں باہجھ ہنیرے ھو

شبِ ہجرال

کالی رات جدائی والی غم دے گھپ ہنیرے ھو
شالا مگے رات ہجر دی بولے کاگ بنیرے ھو
اڈیاں چا چا رستے ویکھاں روواں شام سویرے ھو
سر قربان نصیر کراں جے یار آوے گھر میرے ھو



عیدِ جدائی

عید آئی پر یار نہ آیا خوشیاں غم نہیں کھڑیا ھو
دسو مینوں دارو کوئی ناگ ہجر دا لڑیا ھو
سک نصیر نہ یاردی مگے ساہ اکھیاں وچ اڑیا ھو
چن اسمانی کی ویکھاں آتے چن میرا نہیں چڑھیا ھو

شکوہ بے قدری

بے قدران کج قدر نہ جانتی کیتی خوبی تستی ھو
دنیا دار پجاری زر دے کتیاں دے گل ثلی ھو
بک بک اتھرو روں اکھیاں ویکھ حویلی کھی ھو
کوچ نصیر اساں جد کیتا پے جاسی تھرتھلی ھو



آمد یار

ساری عمر جدائی کئی دگھاں وچ دل سڑیا ھو
جاگ لگن دا ویلا آیا آساں دا ددھ کڑیا ھو
لکھ لکھ اج نصیر مبارک رانجھا ویٹھے وڑیا ھو
میں مسکین دی قسمت جاگی اوہ ویکھو چن چڑھیا ھو

آنکھ کی حرص

چھوڑ زمانہ پچھلا ، تینوں گل سنانواں اج دی ھو
 انسانی اکھ حرص دی باندی ہر پا سے پئی بھجی ھو
 چھوڑ ہوس تے پائے کن وچ گل نصیر ایہہ چچ دی ھو
 بھٹکھا ڈھڈتے رج وی جاوے بھٹکھی اکھ نہ رج دی ھو



نسب پہ اترانے والے کمالات سے محروم
 اساں اصیل بتیرے ڈٹھے پھر دے شہراں گلیاں ھو
 کہندے ساڈے جیہانہ کوئی جے اسی گھر ولیاں ھو
 چچ دی گل نصیر نہ کائی مارن ایویں گُللیاں ھو
 جلوے جسی نسبیاں والے عادت وانگ مسلیاں ھو

قسمت کے فیصلے

واہ قسمت جہدے سرتے تنبوں یکتائی دا تڑیا ھو
 اوہدے جیڈ مقداراں والا مانواں نے گھٹ جنڑیا ھو
 ریس نصیر کی اُسدی جیہڑا رتوں بنڑیاں ٹھنڈیا ھو
 گیاراں پُت یعقوب نبی دے، یوسف ہکو بنڑیا ھو



فراقِ یار

جھلی وا وچھوڑے والی ککھ چھڈیُس نہ پلے ھو
 شالا کسے دایار نہ وچھڑے، یار نہ تھیون کلے ھو
 اساں سمیڑے وچ جدانیاں صدے اُتے تھلے ھو
 یار نصیر کی رُس کے ٹریا اُجڑے شہر محلے ھو

آرزوئے درِ یار

تسِ ملے بے چھی جیہی پریم دے دریا تیراں ھو
 اک پھیرا ترے دردا مینوں لکھ بہشتی سیراں ھو
 مکدی گل نصیر ایہہ آکھے پے پے تیریاں پیراں ھو
 رگھیں کول تے درتے ماریں نہ پاویں وس غیراں ھو



یار دی مرضی

بے پروا سنگ لا کے یاری ہو گئے اسی نماڑیں ھو
 کوئی تے بن کے غم دا پہلی خبر یار دی آنڑیں ھو
 اسی نصیر ککھاں تھیں ہولے بھاویں یار دے بھاڑیں ھو
 اساں تے اُس نوں سچ کر جانتا اوہ جانڑیں نہ جانڑیں ھو

اپنا بنا کر رکھنے کی التماس

حُسن تے ناز دیا شہکارا رب دیاں تینوں رکھاں ہو
 مُونہوں بولیں موتی رو لیں دل کھس لے گیاں اکھاں ہو
 جے نصیرنوں تیں چھڈیا رُل جاسی وانگوں لکھاں ہو
 اُس نوں تیرے جیہا نہ کوئی اُس جے تینوں لکھاں ہو



نمازِ حُضوری

کی واجب کی فرض ترے جے توں پریم نماز نہ نیستی ہو
 جہاں دے دل وچ یارو سے اُنہاں کدی قضا نہ کیستی ہو
 وضو ترے دا کی فیدا جد اندر لکھ پلیتی ہو
 دے بھید نہ مستی دا جس بے پیمانے پیتی ہو
 جہاں نصیرِ حُضوری پائی نہیں محتاجِ مسیتی ہو

فراقِ یار

چنگی بھتی بیٹھی بیٹھی ہو گیا مینوں اج کے ہو
کیہڑا وچھڑیا یاد آیا جے میں روپی اکھیاں کج کے ہو
ویہڑا متاں مرا وس پیوے ہر اوند ا تکدی بھج کے ہو
یارنوں کون نصیر لے آوے نہیں تکیا میں رج کے ہو



راہِ طلبِ دشوار ہے

اُجڑ اُجاڑ طلب دا صحرا خبر نہ کوئی آئیں ہو
اس دے حالوں راہی واقف اُن راہی نہ جائیں ہو
گھروں مڑے جیہڑے بھر بھر گتھیاں ا دھونج مک گئے دائیں ہو
عشق نصیر او منزل جتھے بھل گئے لکھاں سیاڑیں ہو

نا کردہ کردہ جیسا نہیں ہو سکتا

تاریا اکاں نوں تقوے اک پھتے چکر پیتی ہو
اک میخانے دھت شرابوں اک دن رات مسیتی ہو
جس نہیں پیتی اُس نہیں پیتی جس پیتی اُس پیتی ہو
اک جی کدی نصیر نہ ہوندی کیتی تے اُن کیتی ہو



یاراں نال بہاراں

جے نہ آوے یار نظر کی کرناں جی کے اتاں ہو
نال اُسی دے ہا سے کھیڈے خوشیاں، مزے تے چستاں ہو
یار نہ آیا پیون شمالا جلد مُرن دیاں دتاں ہو
دن دیدار نصیر نہ مکن دل تے دیاں تتاں ہو

نعتِ رسولِ مقبول ﷺ

مراد دل وی مرے ہی نال دا اے	مدینے دے نظارے بھال دا اے
جیہڑا درتوں نہ خالی نال دے اے	میں پلّا پھڑ لیا اے اُس سخی دا
زمانہ ایویں دیوے بال دا اے	جے نہیں زندہ ولی قبریاں دے اندر
میںوں تکیہ مرے لُج پال دا اے	کھلو جاناں واں طوفان دے اگے
نبیؐ جانڑوں اساڈے حال دا اے	اوہ حاضر وی آتے ناظر وی ساڈا
اے زنگ اندر ہی اندر گال دا اے	مکا دیندی اے گستاخی نبیؐ دی
اوہ آپے سیکداتے بال دا اے	جو الکاسب حبیبُ اللہ ہے پڑھ دا

نصیر اوہ چت نہیں شاہاں تے دھردا

جیہڑا ساکَل نبیؐ دی آل دا اے

ہدیہ گزار: سید نصیر الدین نصیرؒ

گولڑہ شریف

بھریانی ویٹرا میرا سجاں نال، آج بھریانی

بھریا نی ویٹرا میرا سجاں نال ، آج بھریا نی
ماہی مرا میرے ویٹرے وڑیا ، اوہ دیکھو چن چھڑھیا نی
پائے پیر جن گھر میرے ، تک کے من ٹھریا نی
دیکھ لوواں تینوں ہنڑتے آجا ، دم اکھیاں وچ اڑیا نی
مڑ مڑ کہند کھوہ دا بوکا ، جو ڈبیا اوہ تریا نی
دیکھ ذرا توں مکھ ماہی دا ، روپ جنابوں چڑھیا نی
چنگے چنگے اوتھے پہنچ ناہیں سکے ، جتھے میرا مقدر لڑیا نی
وانگ حسین دے زندہ ہو جا ، جو ڈریا اور مریا نی
عبدالقادر پیر دے صدقے ، ڈبیدی دا ہتھ پھڑیا نی
لوہا لکڑی نال جے لگیا ، تریا دے سنگ تریا نی
بن دسے گھر آیا ساجن ، ایہہ چن کدھروں چڑھیا نی
یار مینوں آج گل نال لایا ، دشمن دا دل سڑیا نی
نکدی گل نصیر مکاواں ، او جتیا میں ہریا نی
ویٹرا میرا سجاں نال آج بھریا نی

کلام: پیر سید نصیر الدین نصیر گولڑہ شریف